

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126133](#)

DOMINICA XI. POST TRINIT.

Evangelium Luc. 18. v. 9.

EXORDIUM.

Servi Hebreorum in V. T. hoc privilegio gavisi sunt, ut si sex annis servierint, septimo in libertatem asseti potuerint: Quicunque vero libertate donari solebant, auricula illis perforabatur subulâ, ut essent servi in seculum, Exod. 21. v. 6.

Nos paucis abhinc annis etiam servi fui-
mus, ferreo belli jugo onerati, quod immi-
nebat cervicibus nostris, ubi lassis non da-
batur requies, Thren. 5. v. 5.

Postquam vero Deus Opt. Max. jugum
illud excusit de cervicibus nostris, nosque
in pristinam libertatem asseruit, multi re-
periuntur, qui libertatem hanc suam mali-
tiolem amittunt, dum pergunt in peccatis
prioribus, maluntque servi peccatorum
esse, Joh. 8. v. 35. quam libertatem, quam
ipse Filius, tanquam verus pacis Princeps
nobis acquisivit, ubi nos ab omni iniiquita-
te liberavit, retinere, Joh. 8. v. 36.

Hoc non exiguum, sed mortiferum ma-
ledictum, quo Noa filium suum impium
Cham oneravit, ut esset servus servorum,
Gen. 9. v. 25. non inveniatur hoc in ha-
ereditate Jacob, Sir. 23. v. 15.

Cum olim Romani Legatos suos Ca-
thaginem certis de causis mitterent, & ci-
vies illos praefractis responsis exciperent,
unus ex Romanis dixit: Non opus esse
multis verbis, afferre le hic in sinu suo pa-
cem & bellum, eligerent modò quicquid
vellent. Cives Carthaginenses hoc ipso

non movebantur, sed pergebant in obsti-
nata tuâ dicentes: Promeret modò quid
vellet: Tum bellum Romanus sinu suo
excusit, inquiens: Accipite ergo bellum,
bellum ad sufficientiam habebitis.

Nos eodem modo procedimus: Deus
nobis aliam pacem concessit, quæ est

1. *Thesaurus Ecclesiæ*: Legati enim pa-
cis, qui antè fortis amarè siebant, Esa. 73.
v. 7. jam stant super custodiā suā vicis-
sim, Esa. 21. v. 8. & fiducialiter prædicant,
Psal. 12. v. 6.

2. *Thesaurus Reipublicæ*. Duo enim illi
filii perditi: Velociter spolia detrahe, citè
curre, Esa. 8. v. 1. nunc separati sunt, omnis
terra habitat & quiescit, Zach. 1. v. II.
Seniores in Senatu liberè sedent, & de bo-
nis terræ tractant, I. Macc. 14. v. 9. hinc mi-
sericordia & veritas obviant sibi, justitia &
pax osculanur se, Psal. 85. v. 12.

3. *Thesaurus Oeconomia*. Agricola se-
mentem suum facit sine curâ, in pace me-
tit, nec verendum est Midianitas vastare
proventum terræ, ut tempore Gideonis,
Jud. 6. v. 4. Negotiatores in frequentiâ iter
faciunt, & securè mercimonias tractant,
Gen. 37. v. 28. Mechanici quoque opus
suum perficere possunt in pace, Sir. 38. v.
28. Non amplius habet, ut in prioribus
diebus, ubi merces hominum non erat,
nec merces jumentorum erat, neque intro-
œundi, neque exœundi pax erat præ tribula-
tione: sed dixit Dominus exercituum, ut
semena

semen pacis simus : vinea dabit fructum suum, & terra dabit germen suum, & cœli dabunt rorem suum, & possidere facit nos universa hæc , Zach.8.v.10.12.

Hæc ingens gratia est, quâ supremum Numen, post tantos bellum tumultus nos vicissim affecit. Sed plurimi id non attendunt, sed abutuntur felicitate hâc ad securitatem & impietatem, ut Sodomita, Ezech.16.v.49.50. ut non abs re conqueraris : Hæcine reddis Domino , popule stulte & insipiens, Deut.32.v.6.

Ideò surrexi jam tanquam pro Christo legationem fungens, 2. Cor.5.v.20. & afferro quasi bellum & pacem in sinu meo. Quodsi beneficia Dei grato animo agnoveritis, eique gratias egeritis tam verbis, quam operibus, ulterius cogitationes pacis super vos cogitabit, Jerem.29.v.11. Sin minus : facile virgam conficiet aliam, non enim irridetur Deus, Gal.6.v.7.

Testes hodie invoco in vobis cœlum & terram, quod proposuerim vobis vitam & mortem, benedictionem & maledictionem, Deut 30.v.19. probate potiora, Phil. 1.v.10. inquirite pacem, & persequimini eam, Psal.34.v.15. Gratias Domino agite pro omnibus bonis, quæ exhibuit nobis, sedulò orantes ut gratiolum hoc donum in diebus nostris conservare dignetur, tanquam Dominus faciens pacem, & creans malum, Isa.45.v.7.

Hoc propositum nostrum non incommodè adjuvabit prælecta Pericope, si quidem præsenti Dominicâ solenne pacis restituta festum celebramus,

Videbimus ergò instituti nostri memores,

- I. Triplicem Querelam.
- II. Triplicem Medlam.
- III. Triplicem Cautelam.

J. J.

Exegeſis.

Cum Deus ob temeritatem Davidis, quod populum numerasset, iratus es-
set super Hierusalem , & Angelo percutienti mandavisset, ut disperderet illam, fa-
cile pœnituit eum super afflictionem , &
ait Angelo percutienti populum : sufficit :
nunc contine manum tuam , 2. Sam.24.
v.16.

O optimi ! Infernalis ille Abaddon etiam crudeliter grassatus est, in dilecta Germania nostrâ, ut terra, quæ antè erat quasi hortus Eden, nunc sit quasi solitudo deserti, Joel. 2.v.3. Sed gratia Dei vivi ad tempus illud pervenimus , ubi vox acceptabilis insonuit : Sufficit, nunc contine manum tuam. Gladii enim hostis con-
sumti sunt , Psal.9.v.7. Hinc vox exulta-
tions & salutis in tabernaculis justo-
rum, Psal. 118. v. 15.

Quia verò juxta Poetam :

Non minor est virtus, quam quærete,
parta tueri :

Audiamus, quid Dominus Angelo Philadelphiæ scribere jubeat : Tene quod ha-
bes , ut nemo accipiat coronam tuam,
Apoc.3.v.11.

Sed methodum nostram observantes
Querelam videbimus, quæ respicit

I. Pacis osores, qui sunt Papa & assecræ
ejus. Quemadmodum enim Pharisæus pu-
blicanum contemnit : sic & nos lampas
contemta sumus, apud cogitationes divi-

ddd tum,